

# QUÆSTIO MEDICA

QUODLIBETARIIS DISPUTATIONIBUS

MANE DISCUTIENDA

IN SCHOLIS MEDICORUM.

Die Jovis 5. Decembris.

M. NICOLAO PELLETIER,

DOCTORE MEDICO, Præside.

*An magnis lienibus ferrum.*

I.

NATURÆ circum nutritionem cura, quas huic operi præfecit partes, ulli perfectorum animalium generi deesse non sinit. Omnibus liene instructis, aliàs ampliori qualis in quadrupedibus, aliàs exiguo qualis in avibus animadvertitur; Insignis hujusce visceris à naturâ penuriam, ab arte jacturam, infeliciores in animalibus vitæ semper voluit esse parentem. Lien pars est substantiâ molli & laxiore, figurâ ad pedis humani plantam effictâ, lurido colore, acerbiusculo gustu, sinistrum, ubi naturali sede coërcetur, hypocondrium occupans, diaphragmati ventriculoque substrata, costis inferioribus apposita, rene superior. hanc si melancholicus humor nimium distendat, nulli tunc obnoxia figuræ, tantam in molem accrescit, ut toto vix abdomine contineatur; Sursum versus elata respirationem ingeminat, deorsum impendens, vicinas gravante sarcinâ partes urget, obstitens cum duritie ac indolentiâ tangenti schirrum, cum febre ac dolore splenitidem arguit, citra febrem duritiem doloremve tumida

σπληνίτις αἰσθημένη.

A

**SUPERSTITES** ab elaborato sanguine particulas in varia loca secernere, prudentis haud minus naturæ fuit, quàm diversas alimentorum species in unum congeffisse ventriculum: accommodatam partium structuram atque temperiem ad illud operis sibi miniftras afcivit; quarum utriusque concurfu reliquæ sanguinis cribro quafi tranfmiffæ purgentur; ferum per renes, per felleam cystidem bilis, per lienem melancholicus humor: huic ab eodem viscere muneri apprimè fatisfacit, ubi temperies ipfius idonea convenientem fibrarum, quæ compagem ipfius conftituunt, structuram adjunctam habet, atro humori fecernendo, eidemque per vi- ces, cùm veficam, tùm in intestina poft modum excernendo famulantem; quorum utroque fi deftituatur, alterutrove non inftuat, illabente bibulum in vifcus infigni humoris melancholici copiâ nec elabente, mirum quantum intumefcit; inde tot fobolefcere morbos à feriante fplenis in fecernendo munere, quot inquinari partes ab humoris exitum non habentis in diverfa loca refluxu, nufquam, nifi poft reftitutum à chalibis ufu lienis tenorem, coercendo.

**FERRUM** antiquiffimi apud medicos ufus, impurum eft metallum plurimâ terrâ conftans; hujus fimplici, quæ veterum erat, exquisitiori, quæ recentiorum eft, præparatio- ne chronicos expugnatuque difficiles affectus edomare non infuetum: ætate fuperiori chalibem infufum ulteriùs urgere notum non fuit, noftrâ quæ curiofior & cautior non nifi variè cruciatum adhibere perrarum; alii fobem ejus, validiffimo quem vocant igne reverberii torquentes, croceum pulverem efficiunt; affufis alii corrodentibus aquis tenuiffimas illum in particulas dividunt; admoto fulphure nonnulli minutum in granula ferrum exhibent: alienas tamen à variis uftinæ Chymicæ tormentis vires illud mutuari ne crede: quod ingenitâ virtute fpoliari nescium; adftingenti novum robur addis, ubi chalibem igne vehementiori premis nufquam ab adhibito fulphure degenerem; quod fulphuris in

auras abiit, fictitiæ facultatis est, quæ sæx ab eodem combusto superstes & exsucca, nullius, terram semper sapit ferrum, astringet semper, inde uberiores humoris melancholici copiam absorbet: hinc conciliatâ spleni cum temperie structurâ ejusdem excrementi promovet excretionem.

## I V.

**D**UPLICIS quæ ferro inest virtutis, altera visu, altera gustu iudice dignoscitur; priorem, quæ crassiusculæ ferri substantiæ individua comes est, cum subit melancholicus humor raræ veluti spongiæ imbutus in lienem ultra non effunditur; acetum cujus indolem iste succus æmulatur in terram effusum absorberi, nec nisi lutulentum emitti vides, humorem melancholicum in crassiores ferri particulas illapsum vide, quarum spissitudine impeditus ineptos offendit admittendo sibi angustiores bibulæ lienis substantiæ meatus nullâ deinceps viâ commodiùs quàm per intestinorum ac vesicæ ductus unâ cum cæteris, quæ nigro fortassis inficiet colore, recrementis egerendus: quæ iudice gustu percipitur in ferro vis altera, in gratâ quadam adstrictione consistit, partibus omnibus lienis vero potissimum amicâ, quam epotæ ferro divites aquæ referunt; posterioris hujus tanquam auxiliatricis manus ope compressus lien, addito per stypticam ferri facultatem novo robore, pristino muneri redditur, susceptum humorem atrum per aptam fibrarum suarum intercapedinem tractum repurgat, turgidus in posterum ab humore melancholico vix aut nunquam futurus.

## V.

**M**A GNO lienis revera succurrere noluerit, & oriundis inde symptomatis quam pluribus occurrere, qui ad fundendum & è superioribus & ex inferioribus artubus sanguinem iteratamque catharsim tantummodo recurrerit, in affectus hypostropiasmum haud dubiè facturos incurret quisquis unicam apertæ venæ sanguinis minuendi exhibitæque purgationis humorum impuritatibus emendandæ viam decurret; eorum in lienem impetum ad tempus aliquod arceat, tumidum in splene imperium exercentes succos non coer-

cet. Illapsuri in lienem humoris melancholici vias intercludere, parum, illapsi ductus recludere, ne post hæc remeet occludere, punctum est. Impositam turgido visceri sarcinam nova in dies reponenda materia graviolem futuram supponit, at immaniora postmodum symptomata supposituram disponit; ubi maximè nativum lienis robur fuso prius sanguine repetitâque catharsi fuerit infraetum; illa in usum revocare primum artis est, hoc in refarciendo lienis tenore supremum; retusis crassiore ferri substantiâ humoris melancholici aculeis constrictas ejusdem ferri stypticâ facultate lienis fibras secernendo excernendoque atro humori habiles efficere.

*Ergo magnis lienibus ferrum.*

### DOMINI DOCTORES DISPUTATURI.

*M. Guido Crescentius Fagon,  
familia Regia Medicis ordinarius.  
M. Iacobus de Bourges.  
M. Petrus Legier.*

*M. Ioann. Bapt. Fevrard.  
M. Carolus Marteau.  
M. Antonius le Moine.*

*M. Ioannes Armandus  
de Mauvoisin.  
M. Bertin. Dieuxivoie.  
M. Stephanus Bachot.*

Proponebat Lutetiæ FRANCISCUS GIRARD,  
Blesensis. A. R. S. H. MDCLXXV.

---

PARISIIS,  
Apud FRANCISCUM MUGUET, Regis & Illustrissimi  
Archiepiscopi Parisiensis Typographum.